



Broj: 09-41-2932/18
Ilidža, 29.08.2018. godine

OPĆINA ILIDŽA
OPĆINSKO VIJEĆE



U materijal za 18
30-08-2018
Redovni sjednica OV

P R E D M E T: Utvrđivanje prijedloga Informacije o o provođenju
Zakona o dopunskim pravima boraca – branitelja BiH
Kantona Sarajevo, dostavlja se,-

Poštovani gosp. Načelnice,

Ovim putem dostavljamo Vam Nacrt Informacije radi utvrđivanja prijedloga za sjednicu Općinskog vijeća Ilidža predviđenu za septembarsku redovnu sjednicu po usvojenom Programu rada vijeća za 2018.godinu, kao i dva primjerka CD sa navedenim podacima, od kojih je jedan za potrebe WEB stranice Općine.

S poštovanjem!

PRILOG: - Nacrt Informacije
- CD 2x

POMOĆNIK OPĆINSKOG NAČELNIKA

Mirsad Sinanović, dipl. politolog

DOSTAVLJENO: - Naslovu
- Evidencija
- a/a



BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO - OPĆINA ILIDŽA
OPĆINSKI NAČELNIK



BOSNIA AND HERZEGOVINA
FEDERATION OF BOSNIA AND HERZEGOVINA
SARAJEVO CANTON - MUNICIPALITY OF ILIDŽA
MUNICIPALITY MAYOR

SLUŽBA ZA BORAČKA PITANJA

WAR VETERAN'S DEPARTMENT

I N F O R M A C I J A

O PROVOĐENJU ZAKONA O DOPUNSKIM PRAVIMA BORACA – BRANITELJA BIH KANTONA SARAJEVO ZA PERIOD OD 01.01.2017.GODINE DO 31.12.2017. GODINE

*PREDLAGAČ: Općinski načelnik
Prof. dr. Senaid Memić*

*NOSILAC IZRADE:
SLUŽBA ZA BORAČKA PITANJA*

Ilidža, juni. 2018. godine

I N F O R M A C I J A

o provođenju ZAKONA o dopunskim pravima boraca – branitelja BiH Kantona Sarajevo

1. UVODNI DIO

Izrada Informacije o provođenju Zakona o dopunskim pravima boraca – branitelja BiH predviđena je Programom rada Službe za boračka pitanja općine Ilidža i Programom rada Općinskog vijeća za 2018. godinu te ISO standarda 9001:2008.godina.i 14001:2004 godina daje prikaz stanja u oblasti službe za boračka pitanja općine Ilidža u kojoj korisnici boračkih kategorija ostvaruju prava propisana i Kantonalnim zakonom na brz i efikasan način.

2. ANALITIČKI DIO

ZAKON O DOPUNSKIM PRAVIMA BORACA - BRANITELJA

Zakon o dopunskim pravima boraca – branitelja član 1. kojim se (Sl. novine Kantona Sarajevo br: 7/08 i 45/12) uređuje prava, uslovi i postupak za ostvarivanje prava, korištenje i prestanak prava, sredstva za finansiranje prava , kao i druga pitanja od značaja za ostvarivanje prava ratnih vojnih invalida i člana njihovih porodica „člana porodica šehida ,člana porodica poginulih umrlih i nestalih branitelja,dobitnika ratnih priznanja i odlikovanja i člana porodica poginulih,umrlih i nestalih dobitnika ratnog priznanja i odlikovanja,ratnih vojnih zarobljenika i demobiliziranih branitelja kao i lica zaslužnih u odbrambeno-oslobodilačkom ratu sa područja Kantona Sarajevo u skladu sa raspoloživim sredstvima kao i podzakonskih akata (instrukcija, pravilnika, uputstava, naredbi i sudskih presuda).

U primjeni su i podzakonski akti Uredba o načinu, uvjetima i kriterijima za ostvarivanje prava na osnovui *Instrukcija Ministarstva za boračka pitanja Kantona Sarajevo(Sl.novine Kantona Sarajevo br:30/06 i izmjena i dopuna instrukcije broj:06-05-6153/07 od 05.04.2007.godine Uredba o načinu uvjetima i kriterijima za ostvarivanje prava na snošenje troškova plaćanja naknade za građevinsko zemljište za izgradnju individualnih stambenih objekata za potrebe boraca – branitelja(Službene novine Kantona Sarajevo broj:19/08).*

Pod uslovima propisanim članom 1,2,3,4 Zakona o dopunskim pravima boraca – branitelja BiH, ratnih vojnih invalida i člana njihovih porodica, člana porodica šehida, člana porodica poginulih, umrlih i nestalih branitelja dobitnika ratnih priznanja i odlikovanja i člana porodica poginulih, umrlih i nestalih dobitnika ratnog priznanja i odlikovanja, ratnih vojnih zarobljenika i demobiliziranih branitelja kao lica zaslužnih u odbrambeno – oslobodilačkog rata imaju prema načinu i obimu utvrđenim zakonom prava propisanih članom 5. to :

1. zdravstvenu zaštitu;
2. banjsko i klimatsko liječenje (medicinska rehabilitacija);
3. naknadu putnih troškova i troškova za liječenje u inostranstvu;
4. prava po osnovu preostale radne sposobnosti;
5. prioritet u zapošljavanju;
6. novčanu pozajmicu za otvaranje radnih mjesta;
7. prvenstvo upisa u obrazovne ustanove i besplatno školovanje;
8. stipendiranje;
9. uklanjanje arhitektonsko urbanističkih barijera za ulazak i korištenje stana u invalidskim kolicima;
10. oslobađanje obaveze plaćanja naknade za dodijeljeno gradsko građevinsko zemljište;
11. oslobađanje obaveze plaćanja naknade za pogodnost i naknade za uređenje



- građevinskog zemljišta;
12. pravo na izgradnju stana;
 13. novčanu pozajmicu i dodjelu sredstava za rješavanje stambenih potreba;
 14. dodjelu sredstava za održivi povratak;
 15. pravo na stan u vlasništvu;
 16. besplatnu i povlaštenu vožnju;
 17. naknadu troškova dženaze – sahrane;
 18. podizanje nišana – nadgrobnog spomenika;
 19. pravo na mjesečna novčana primanja;
 20. novčanu naknadu za vrijeme nezaposlenosti;
 21. prednost pri zakupu i otkupu poslovnog prostora pod jednakim uvjetima;
 22. pravo na besplatne obavezne udžbenike za redovno školovanje, školski pribor i užinu;
 23. prednost pri smještaju u đačke i studentske domove;
 24. prednost pri korištenju programa nadležnih zavoda za zapošljavanje;
 25. prioritarno pravo za rješavanje stambenog pitanja pod jednakim uvjetima;
 26. pravo na besplatan priključak na infrastrukturnu mrežu (voda, električna energija, gas);
 27. pravo na dodjelu jednokratne novčane pomoći;
 28. pravo dobitnika ratnih priznanja ili odlikovanja na obavještanje o smrti putem javnih medija, organiziranje ukopa – sahrane uz državne počasti i pravo na ukopno mjesto na lokacijama zaslužnih ličnosti;
 29. pravo na obezbjeđenje ogrjeva;
 30. pravo na ostvarivanje dječijeg dodatka RVI 20% - 80%
- Na osnovu člana 67. Zakona o dopunskim pravima boraca-branitelja Bosne i Hercegovine o priznavanju prava iz člana 6.,16,27,28,29,31,46,47,48,49,52,54,55 Zakona rješenje donosi općinski načelnik.

Prvostepeni postupak pokreće se i rješenja donosi Služba u skladu odredbama citiranog Zakona.

Pravo: Zdravstvena zaštita / zdravstveno osiguranje

Članovima 6., 7., i 8. citiranog Zakona regulisano je sljedeće:

- Lica iz člana 1. ovog Zakona, ukoliko ne mogu ostvariti status osiguranog lica po propisima iz oblasti zdravstva, ostvaruju to pravo po ovom zakonu. U slučajevima iz prethodnog stava obaveznik uplate doprinosa za zdravstveno osiguranje je Ministarstvo za boračka pitanja Kantona (u daljem tekstu: Ministarstvo).
- Prošireni obim prava na zdravstvenu zaštitu za ratne vojne invalide propisan je Odlukom o proširenom obimu prava na korištenje ortopedskih pomagala, lijekova, medicinsko-sanitetskih sprava i materijala za ratne vojne invalide sa područja Kantona Sarajevo ("Službene novine Kantona Sarajevo", br. 13/04 i 11/06).
- Ratni vojni invalidi, članovi šehidske porodice – porodice poginulog branitelja i umrlog ratnog vojnog invalida, kao i članovi uže porodice ratnog vojnog invalida oslobađaju se od obaveze ličnog učešća osiguranih lica u troškovima korištenja zdravstvene zaštite i snošenju troškova liječenja na teritoriji Kantona.

PODNESENO ZAHTEJEVA	ODBIJENO ZAHTEJEVA	BR.KOR. ČLA.POR.	PRESTANAK PRAVA PO SLUŽBENOJ DUŽNOSTI	UKUPNO NOSIOCA U INFORMATIVNOM PERIODU ZAKLJUČNO SA 31.12.2017.			
				NOSIOCI	KORISNICI	IZNOS SREDSTAVA U KM	
						mjesečno	godišnje
20	0	39	13	569	1106	11.380,00	136.560,00



Na osnovu člana 6. Zakona o dopunskim pravima boraca – branitelja Bosne i Hercegovine ("Službene novine Kantona Sarajevo" broj: 45/12 od 31.10.2012. godine) je predviđeno da lica iz člana 1. (demobilisani borci, RVI, članovi porodica šehida i poginulih boraca, itd) ostvaruju pravo na zdravstveno osiguranje, ukoliko ne mogu ostvariti na drugi način, te da je obveznik uplate doprinosa za zdravstveno osiguranje Ministarstvo za boračka pitanja.

Članovima 65., 66. i 67. (postupak za priznavanje prava) je predviđeno da se poslovi upravnog rješavanja u prvom stepenu o pravima i obavezama, uključujući i ovo pravo prenose na općinske načelnike. Na osnovu navedenog općinske službe za boračko – invalidsku zaštitu provode svu procedure, donose rješenja, vrše prijavu i odjavu korisnika i vode evidenciju korisnika. Kantonalnom Odlukom o utvrđivanju osnovica, stopa i načina obračunavanja doprinosa za obavezno zdravstveno osiguranje na području Kantona Sarajevo ("Službene novine Kantona Sarajevo broj: 29/09) je članom 7. tačka j. precizirano da obračun i uplatu doprinosa vrši "organ uprave Kantona nadležan za boračku zaštitu za lica sa prebivalištem na području Kantona Sarajevo".

Članom 10. su utvrđeni paušalni mjesečni iznosi za prijavljena i osigurana lica, osigurana po posebnim propisima, gdje je tačkom 1. navedeno da se po prijavljenom licu koje nije osigurano na drugi način plaća iznos od 20,00 KM.

Na osnovu navedenog a na bazi mjesečnih spiskova Ministarstvo za boračka pitanja doznava sredstva Zavodu zdravstvenog osiguranja sredstva za osigurana lica (nosioc osiguranja) uz napomenu o kojoj se općini radi i za koji period se vrši uplata.

Prijava se podnosi na obrascu JS3120, a kao obveznik navodi se Ministarstvo za boračka pitanja Kantona Sarajevo.

Licu iz člana 1., i 2. Zakona koje podnese zahtjev za zdravstveno osiguranje a ispunjava uslove, pravo teče od prvog dana narednog mjeseca od datuma podnošenja zahtjeva i Služba donosi rješenje.

Pravo: Naknada troškova dženaze – sahrane

Članom 49.. citiranog Zakona regulisano je sljedeće:

- Članovi porodice odnosno lice koje je snosilo troškove sahrane - dženaze lica iz čl. 1. i 2. ovog Zakona, ima pravo na naknadu troškova dženaze-sahrane u visini od tri prosječne neto plaće zaposlenih u Federaciji BiH iz prethodne godine, te u opravdanim slučajevima i stvarne troškove prijevoza u druga područja Bosne i Hercegovine. Članovi porodice odnosno lice koje je snosilo troškove dženaze-sahrane licu za koje je u skladu sa ovim zakonom obezbjeđeno ukopno mjesto (Aleja veterana – groblje Vlako), pravo na naknadu troškova dženaze-sahrane ostvaruju u visini dvije neto prosječne plaće zaposlenih u Federaciji BiH iz prethodne godine. Izuzetno, pravo iz stava 1. ovog člana, mogu ostvariti i lica koja snose troškove dženaze-sahrane za djecu šehida, poginulih, umrlih i nestalih branilaca, bez obzira da li ostvaruju pravo na porodičnu invalidninu u skladu sa federalnim zakonom. Postupak za priznavanje prava iz stava 1. ovog člana se može pokrenuti najdalje u roku od jedne godine od dana smrti lica.

BROJ PODNEŠENIH ZAHOTJEVA	ODBIJENO ZAHOTJEVA	ODOBRENO ZAHOTJEVA	FINANSIJSKA VRIJEDNOST U KM U INFORMATIVNOM PERIODU 01.01.2017 – 31.12.2017.
213	8	205	515.985,00

Za lica iz članova 1. i 2. troškove dženaze – sahrane za koje je obezbjeđeno ukopno mjesto u Aleji veterana – Vlako putem ovog Ministarstva, a ne na porodičnim grobnim mjestima ističemo troškovi iznose dvije prosječne plaće zaposlenih u FBiH iz prethodne godine, a rješenje za ukop u Aleji veterana donosi Fond memorijala Kantona Sarajevo.

Troškove za lica iz člana 1. i 2. mogu ostvariti pravo na troškove dženaze – sahrane ako



je to lice imalo prebivalište / boravište na Kantonu Sarajevo.

Za člana porodice RVI troškove dženaze – sahrane će se snositi samo ako je član porodice živio u zajedničkom porodičnom domaćinstvu u momentu smrti što se u upravnom postupku dokumentuje javnim ispravama (CIPS-ova prijava za umrlog člana porodice i CIPS-ova prijava za korisnika naknade) – RVI računi pokopnog društva na ime podnosioca zahtjeva – RVI. U uže članove porodice RVI smatraju se supruga i djeca RVI i roditelji RVI (otac, majka).

Pravo: Banjsko i klimatsko liječenje (medicinska rehabilitacija)

Članovima 9., 10., 11. i 12. citiranog Zakona regulisano je sljedeće:

- Lica iz člana 1. ovog Zakona, pod uvjetima propisanim ovim Zakonom, imaju pravo na banjsko i klimatsko liječenje (medicinsku rehabilitaciju).
- Banjsko i klimatsko liječenje, prema ovom Zakonu, podrazumijeva liječenje koje je neophodno kao nastavak liječenja od zadobivene rane, povrede, ozljede ili bolesti koje su propisane kao indikacije za to liječenje, a koje se obavlja u specijalizovanim zdravstvenim ustanovama u kojima se u liječenju primjenjuje i prirodni faktor, drugim zdravstvenim ustanovama u kojima se liječenje obavlja pretežno prirodnim faktorom, kao i u ustanovama i privrednim društvima osnovanim za liječenje, odmor i rekreaciju u kojima se u liječenju primjenjuje prirodni faktor.
- O potrebi za banjskim i klimatskim liječenjem, na osnovu zahtjeva lica iz člana 1. ovog Zakona i upute ljekara specijaliste, odlučuje Ljekarska komisija koju imenuje ministar za boračka pitanja. Izuzetno od odredbe prethodnog stava, ratni vojni invalid - paraplegičar, zajedno sa pratiocem, ima pravo na banjsko i klimatsko liječenje godišnje u trajanju od 21 dan, bez obzira na medicinski nalaz.
- Ministarstvo zaključuje ugovore o banjskom i klimatskom liječenju sa ustanovama i privrednim društvima iz člana 10. ovog Zakona. Ugovorima iz prethodnog stava naročito se utvrđuje obim i kvalitet zdravstvenih i drugih usluga koje te ustanove i privredna društva pružaju korisnicima, cijene tih usluga i druga međusobna prava i obaveze. Način, uvjete i kriterije za ostvarivanje ovog prava utvrđuje Ministar za boračka pitanja posebnim pravilnikom.

Tabelarni prikaz korisnika prava na banjsko i klimatsko liječenje po kategorijama:

R/B	KATEGORIJA	BROJ ZAHTJEVA	ODOBREN ZAHTJEV	ODBIJEN ZAHTJEV	NIJE PREGLEDALA KOMISIJA
1	RVI	95	34	15	46
2	ČPŠ-PB	74	19	20	35
3	Demobilisani borci	67	23	13	31
4	Ukupno	236	76	48	112

U 2017. godini podnešeno je ukupno 236 zahtjeva za banjsko liječenje. Zbog ograničenih budžetskih sredstava za ovaj vid prava Ljekarska komisija Ministarstva za boračka pitanja Kantona Sarajevo je pregledala ukupno 122 zahtjeva i dala svoj stručni nalaz. Od toga je za 76 korisnika odobreno banjsko liječenje a 45 zahtjeva je Ljekarska komisija odbila. Od ukupnog broja podnešenih zahtjeva za njih 112 Ljekarska komisija nije niti pregledala niti donijela svoju odluku tako da su zahtjevi vraćeni u Službu za boračka pitanja i prema prvim informacijama dostavljenim od strane Ministarstva za boračka pitanja Kantona Sarajevo svi oni moraju obnoviti zahtjev u 2018. godini.

Članovima 2., 3., 4., 5., 6., 7., 8., 9., 10., 11., 12., 13., 14. i 15. Pravilnika za utvrđivanje prava na banjsko i klimatsko liječenje (medicinska rehabilitacija) ("Službene novine Kantona Sarajevo" broj: 30/08 od 04.09.2013. godine) regulisano je sljedeće:



- Pravo na banjsko liječenje (medicinsku rehabilitaciju) i klimatsko liječenje mogu ostvariti lica iz čl. 1. i 2. Zakona o dopunskim pravima boraca-branitelja Bosne i Hercegovine ("Službene novine Kantona Sarajevo", broj 9/07 - Prečišćeni tekst i 7/08) (u daljnjem tekstu: Zakon).
- Ministarstvo za boračka pitanja Kantona Sarajevo (u daljnjem tekstu: Ministarstvo) za svaku godinu objavljuje javni poziv za ostvarivanje prava na banjsko liječenje (medicinsku rehabilitaciju) i klimatsko liječenje po usvajanju Budžeta Kantona Sarajevo.
- Zahtjev za ostvarivanje prava na banjsko liječenje (medicinsku rehabilitaciju) lica iz člana 2. ovog pravilnika podnose Ministarstvu, putem općinskih službi za boračko-invalidsku zaštitu (u daljnjem tekstu: općinska služba) općine na kojoj imaju prebivalište - boravište. Podneseni zahtjevi za ostvarivanje prava iz stava (1) ovog člana važe za budžetsku godinu u kojoj su podnijeti.
- Obavezna dokumentacija koju dostavljaju svi podnosioci zahtjeva za ostvarivanje prava na banjsko liječenje je: dokaz da je lice iz člana 1. i 2. Zakona (uvjerenje o vremenu provedenom u OS RBiH, rješenje o ličnoj invalidnini, rješenje o porodičnoj invalidnini, dokaz za nosioce najviših ratnih priznanja); medicinska dokumentacija; preporuka ljekara specijaliste iz zdravstvene ustanove u kojoj se podnosilac zahtjeva liječi; kopija lične karte. Kao dokazi iz stava (1) ovog člana dostavljaju se ovjerene fotokopije originalnih dokumenata.
- Pravo na banjsko liječenje (medicinsku rehabilitaciju) mogu ostvariti lica iz člana 2. ovog pravilnika pod uvjetom da se kod tih lica radi o liječenju koje je neophodno kao nastavak liječenja od zadobijene rane, povrede, ozljede ili bolesti koji su propisani kao indikacija za to liječenje, a koje se obavlja u specijaliziranim zdravstvenim ustanovama u kojima se u liječenju primjenjuje i prirodni faktor, drugim zdravstvenim ustanovama u kojima se liječenje obavlja pretežno prirodnim faktorom, kao i ustanovama i privrednim društvima osnovanim za liječenje, odmor i rekreaciju u kojima se u liječenju primjenjuje prirodni faktor.
- O potrebi za banjskim liječenjem (medicinsku rehabilitaciju), na osnovu zahtjeva i obavezne dokumentacije iz člana 5. ovog pravilnika odlučuje Ljekarska komisija. Ljekarsku komisiju imenuje Ministar za boračka pitanja Kantona Sarajevo, u sastavu od tri ljekara specijaliste. Ljekarska komisija donosi Poslovnik o radu. Odluke Ljekarske komisije moraju biti potpisane od najmanje dva člana, te kratko obrazložene, sa obaveznom naznakom reda prioriteta upućivanja na banjsko liječenje (medicinsku rehabilitaciju) (prioritetno, odobrava se realizacija prava u toku godine, dnevni tretman - ukoliko je ugovoren od strane Ministarstva sa banjskim lječilištem), a u slučaju odbijanja zahtjeva i upućivanja na ambulantni tretman odluke moraju sadržavati razloge odbijanja. Ljekarska komisija o svom radu izvještava Ministarstvo, najmanje jedanput mjesečno.
- Kompletiran zahtjev općinska služba prosljeđuje Ministarstvu, koje ga dostavlja na odlučivanje Ljekarskoj komisiji. Kompletiran zahtjev pretpostavlja da je općinska služba utvrdila da podnosilac zahtjeva ispunjava uvjete propisane zakonom i ovim pravilnikom za ostvarivanje prava na banjsko liječenje (medicinsku rehabilitaciju) i da je predata sva obavezna dokumentacija iz člana 5. ovog pravilnika. Odluke Ljekarske komisije o upućivanju na banjsko liječenje (medicinsku rehabilitaciju) ili o odbijanju zahtjeva, Ministarstvo uz dokumentaciju vraća općinskoj službi. Općinska služba na pogodan način obavještava podnosioca zahtjeva kome je odobreno banjsko liječenje, a onima kojim je zahtjev odbijen obavezno upućuju pismenu obavijest sa razlozima odbijanja. Podnosioci zahtjeva koji su nezadovoljni odlukom Ljekarske komisije, mogu u roku od 30 dana od prijema obavijesti, neposredno ili putem općinske službe podnijeti prigovor Ministarstvu. Prigovor mora biti obrazložen, uz eventualno dostavljanje novih dokaza i mišljenja ljekara specijaliste iz zdravstvene ustanove koji je dao preporuku za ovu vrstu liječenja. Po prigovoru iz stava (4) ovog člana rješava Ministarstvo u roku od 30 dana od zaprimanja prigovora, a na osnovu konačnog mišljenja Ljekarske komisije.
- Prioriteti za ostvarivanje prava na banjsko liječenje (medicinsku rehabilitaciju) za lica iz



- člana 2. ovog pravilnika, koja ispunjavanju uvjete propisane Zakonom i ovim pravilnikom utvrđuju se kako slijedi: RVI-paraplegičari, zajedno sa pratiocem, jedanput godišnje u trajanju od 21 dan, bez obzira na ljekarski nalaz; podnosioci zahtjeva sa ljekarskom preporukom koja sadrži prijedlog za nastavak liječenja, a pod uvjetom da ovo pravo nisu ostvarila putem nadležne zdravstvene ustanove upućivanjem na nastavak liječenja u banjско lječilište preko Zavoda zdravstvenog osiguranja Kantona Sarajevo. Podnosioci zahtjeva sa potrebom poboljšanja ili održavanja trenutnog zdravstvenog stanja, prvenstveno visoke amputacije donjih ekstremiteta, a potom ostali podnosioci zahtjeva spram težine zdravstvenog stanja, izražene potrebe iz upute ljekara specijaliste i iskazane želje podnosioca zahtjeva za boravkom u određenom banjском lječilištu.
- Vremenske termine (datum i mjesec) upućivanja korisnika ovog prava u banjска lječilišta planira Ministarstvo u dogovoru sa banjским lječilištima uz konsultaciju sa korisnikom. Trajanje banjского liječenja (medicinske rehabilitacije) je od 14 do 21 dan prema odluci Ljekarske komisije. Pravo na banjско liječenje (medicinsku rehabilitaciju) odobrava se u pravilu jednom u toku godine, a izuzetno i više puta godišnje za lica za koja na osnovu medicinske dokumentacije Ljekarska komisija procijeni da je nužno.
 - Ljekarska komisija upućivanje na banjско liječenje (medicinsku rehabilitaciju) prvenstveno vrši po osnovu sljedeće liste dijagnosticiranih oboljenja: Arthritis, Rheumatoides, Hemiparesis, Paraparesis, Quadriparesis, Hemiplegia, Paraplegia, Sclerosis Multiplex, Hernia disci I. V, Spondilosis V. LS derfomans partim ankylosans, Coxarthrosis gravis, St. post amputationem extremitas (femoris, cruris), St. post op. fracturam extremitas, St. post implatationem endorothesis. Izuzetno od liste iz stava (1) ovog člana, Ljekarska komisija može odobriti podnosiocu zahtjeva banjско liječenje i ukoliko nisu navedene gore navedene dijagnoze, pod uslovom da za takvo liječenje ne postoje kontraindikacije i da bi banjско liječenje moglo povoljno uticati na liječenje postojećeg oboljenja. Izbor banjского lječilišta Ministarstvo vrši putem Pregovaračkog postupka sa objavom obavještenja sa više banjских lječilišta u skladu sa propisima iz oblasti javnih nabavki.
 - Zahtjev za ostvarivanje prava na klimatsko liječenje lica iz člana 2. ovog pravilnika podnose kantonalnim boračkim udruženjima iz sastava KOORDINACIONOG ODBORA BORAČKIH UDRUŽENJA KANTONA SARAJEVO (u daljnjem tekstu: boračka udruženja), čiji su članovi.
 - Klimatsko liječenje provodi se u ustanovama i privrednim društvima osnovanim za liječenje, odmor i rekreaciju u kojima se u liječenju primjenjuje prirodni faktor. Odabir ustanova ili privrednih društava u kojima se provodi klimatsko liječenje, boračka udruženja su dužna provesti svake budžetske godine u skladu sa propisima iz oblasti javnih nabavki. Boračka udruženja formirat će liste korisnika koje upućuju na klimatsko liječenje u okviru planiranih i odobrenih sredstava za ove namjene, sa obavezom pravdanja troškova liječenja nakon realizacije prava.
 - Finansiranje prava iz ovog pravilnika za svaku godinu obezbjeđuje se do visine sredstava odobrenih za ove namjene u Budžetu Kantona.
 - Ljekarska komisija je dužna u roku od 30 dana usaglasiti svoj Poslovnik o radu sa odredbama ovog pravilnika. Postupci za ostvarivanje ovog prava koji su započeti do dana stupanja na snagu ovog pravilnika, bit će okončani po odredbama ovog pravilnika.

Pravo: Besplatna i povlašćena vožnja

Članovima 46., 47. i 48. citiranog Zakona regulisano je sljedeće:

- Ratni vojni invalid i član porodice šehida i porodice poginulog, umrlog, nestalog branioca, dobitnici ratnih priznanja i odlikovanja i članovi porodice poginulih, umrlih i nestalih dobitnika ratnog priznanja i odlikovanja imaju pravo na besplatnu vožnju u javnom gradskom saobraćaju na području Kantona, ako to pravo ne mogu ostvariti po drugom osnovu. Pored ratnog vojnog invalida koji je korisnik prava na dodatak za njegu i pomoć



od strane drugog lica, pravo na besplatnu vožnju ima i lice koje mu tu njegu i pomoć pruža. Lica iz čl. 1. i 2. ovog Zakona, imaju pravo na besplatnu vožnju do banjškog i klimatskog liječilišta iz čl. 10. i 11. ovog Zakona, kada je tamo upućen od strane Ministarstva.

- Ministarstvo snosi troškove prijevoza lica iz prethodnog člana po cijeni koju utvrdi Vlada Kantona. Zahtjev za ostvarivanje ovog prava podnosi se općinskoj službi. Općinska služba dostavlja spisak korisnika ovog prava Javnom preduzeću za gradski prevoz na osnovu kojeg se izdaju odgovarajući kuponi. Izgled kupona, period izdavanja i važnosti kupona i način realizacije pobliže se reguliše ugovorom između Ministarstva i Kantonalnog javnog komunalnog preduzeća "Gradski saobraćaj" Sarajevo.
- Pravo na povlaštenu vožnju u javnom gradskom saobraćaju na području Kantona imaju branioци, ako ovo pravo ne mogu ostvariti po drugom osnovu, a prema raspoloživim budžetskim sredstvima. Visinu povlastice za ostvarivanje prava iz stava 1. ovog člana, utvrđuje Vlada Kantona na prijedlog Ministarstva. Zahtjev za ostvarivanje prava podnosi se općinskoj službi, a način, uvjete i kriterije za ostvarivanje ovog prava utvrđuje Ministar posebnim pravilnikom.

BROJ PODNEŠENIH ZAHTEJEVA	ODBIJENO ZAHTEJEVA	ODOBRENO ZAHTEJEVA	PRESTANAK PRAVA PO SLUŽBENOJ DUŽNOSTI	BROJ KORISNIKA ZAKLJUČNO SA 31.12.2017.	MJESEČNA FINANSIJSKA VRIJEDNOST U KM	GODIŠNJA FINANSIJSKA VRIJEDNOST U KM
14	0	14	96	399	12.728,10	152.737,20

- U članu 43. stav 1. Zakona o dopunskim pravima boraca-branitelja Bosne i Hercegovine, propisuje se da ratni vojni invalid i član porodice šehida i porodice poginulog, umrlog, nestalog branioca, dobitnik ratnih priznanja i odlikovanja i članovi porodice poginulih, umrlih i nestalih dobitnika ratnog priznanja i odlikovanja imaju pravo na besplatnu vožnju u javnom gradskom saobraćaju na području Kantona, ako to pravo ne mogu ostvariti po drugom osnovu.
- Pod pojmom člana porodice šehida i porodice poginulog, umrlog, nestalog branioca podrazumijevaja se JEDAN član porodice šehida i porodice poginulog, umrlog, nestalog branioca, tj. bračni drug ili dijete, odnosno jedan od roditelja šehida, poginulog, umrlog, nestalog branioca.
- Pod pojmom "drugi osnov" podrazumijeva se da podnosilac zahtjeva, za ostvarivanje prava na besplatnu vožnju u javnom gradskom saobraćaju na području Kantona, nije u radnom odnosu, da nije korisnik invalidske ili starosne penzije, da ne obavlja samostalnu djelatnost, te da ne koristi subvenciju prevoza po drugom osnovu (đačka, studentska, penzionerska i slično).
- U skladu sa članom 43. stav 2. pravo na besplatnu vožnju, pored ratnog vojnog invalida koji je korisnik prava na dodatak za njegu i pomoć od strane drugog lica, ostvarene po bilo kom osnovu, ima i lice koje mu pruža njegu i pomoć, pod uslovima iz tačke 3. ove Instrukcije.
- Pomenuto lice u ovoj tački, koje pruža njegu i pomoć ratnom vojnom invalidu, može biti bilo koje lice, pa i član porodičnog domaćinstva ratnog vojnog invalida. Pravo na besplatnu vožnju, u javnom gradskom saobraćaju na području Kantona, nema ratni vojni invalid I grupe koji je osvario pravo na putničko motorno vozilo putem Federalnog ministarstva za pitanja boraca i invalida odbrambeno-oslobodilačkog rata.
- Osnovna dokumenta za odlučivanje po zahtjevu ratnog vojnog invalida i člana porodice šehida i porodice poginulog, umrlog, nestalog branioca, dobitnika ratnog priznanja i odlikovanja i članova porodice poginulih, umrlih i nestalih dobitnika ratnog priznanja i odlikovanja za ostvarivanje prava na besplatnu vožnju u javnom gradskom saobraćaju na području Kantona su:
 1. Dokaz od Službe za zapošljavanje da se podnosilac zahtjeva nalazi na evidenciji nezaposlenih lica;
 2. Dokaz da podnosilac zahtjeva nije korisnik prava na penziju kod Federalnog zavoda za



- penzijsko i invalidsko osiguranje (Mirovinsko osiguranje);
3. Dokaz da podnosilac zahtjeva nije evidentiran kao aktivni osiguranik kod Federalnog zavoda za penzijsko i invalidsko osiguranje (Mirovinsko osiguranje);
 4. Dokaz da podnosilac zahtjeva nije evidentiran kao poreski obveznik (Poreska uprava),
 5. Ovjerena fotokopija lične karte;
 6. Ovjerena CIPS-ova prijava boravka;
 7. Izjavu da je podnosilac zahtjeva prijaviti svaku promjenu koja utiče na ostvarivanje prava na besplatnu vožnju u javnom gradskom saobraćaju, te ukoliko se utvrdi suprotno vratiti uplaćena sredstva.
- Općinska služba obavezna je izvršiti reviziju dosadašnjih korisnika prava na besplatnu vožnju u skladu sa članom 43. Zakona na osnovu priložene dokumentacije navedene u prethodnoj tački (jednom u toku kalendarske godine).
 - Po izvršenoj reviziji dosadašnjih korisnika prava na besplatnu vožnju u javnom gradskom saobraćaju općinska služba će donijeti rješenja o priznavanju prava na besplatnu vožnju u roku od šest mjeseci. U rješenju navesti obavezu prijave promjene koja bi uticala na ostvarivanje ovog prava. Ukoliko korisnik ne ispunjava tražene uslove, općinska služba će donijeti rješenje o prestanku prava. U drugostepenom postupku po žalbi rješava Ministarstvo za boračka pitanja Kantona (u daljnjem tekstu: Ministarstvo).
 - Općinske službe su dužne vršiti reviziju korisnika ovog prava krajem svake tekuće godine za slijedeću godinu, bez obaveze donošenja novog rješenja, izuzev kada korisnik tog prava ne ispunjava uslove za nastavak korištenja istog. Potrebno je samo konstatovati službenom zabilješkom ispunjavanje traženih uslova.
 - Spisak svih korisnika ovog prava općinske službe imaju obavezu dostaviti javnom preduzeću za gradski prijevoz na osnovu kojeg se izdaju odgovarajući kuponi.
 - Izgled kupona i način izdavanja istih pobliže se regulišu ugovorom između Ministarstva i javnog preduzeća za gradski prijevoz, kao i način i formu fakturisanja usluga.
 - Sredstva za realizaciju ovog prava, obezbijediće se u Budžetu Kantona, razdjel Ministarstvo, a u zavisnosti od broja korisnika i odobrenih raspoloživih sredstava za ove namjene.

Pravo: Oslobođanje obaveze plaćanja naknade za dodjeljeno građevinsko zemljište i naknade za uređenje građevinskog zemljišta

Članovima 28. i 29. citiranog Zakona regulisano je sljedeće:

- Lica iz člana 1. ovog Zakona oslobađaju se obaveze plaćanja naknade za pogodnosti za izgradnju porodične stambene zgrade za vlastite potrebe netto građevinske površine do 200 m² kada prvi put rješavaju svoje stambeno pitanje, pod uvjetom da snose eventualne troškove rješavanja imovinsko-pravnih odnosa koji nisu izmireni i o svom trošku izvrše opremanje građevinskog zemljišta prema uvjetima iz građevne dozvole pod nadzorom nadležne općinske službe za upravu. Odredbe prethodnog stava odnose se i na dogradnju, nadziđivanje, preuređenje krovista i potkrovlja, pretvaranje zajedničkih prostorija i rekonstrukciju kojom se povećava dotadašnja površina do 100 m² netto građevinske površine.
- Lica iz člana 1. ovog Zakona oslobađaju se obaveze plaćanja naknade za pogodnosti i naknade za uređenje građevinskog zemljišta za izgradnju poslovnog prostora netto građevinske površine do 100 m²



BROJ PODNEŠENIH ZAHTRAJEVA DO 31.12.2017. GODINE	FINANSIJSKA VRIJEDNOST UPLAĆENIH SREDSTAVA U KM DO 31.12.2017. GODINE
414	366.116,40

- U članu 28.a Zakona, propisuje se da licima iz čl. 1. i 2. Zakona, izuzev mirnodopskih vojnih invalida, koji prebivalište odnosno boravište imaju na području Kantona Sarajevo (u daljnjem tekstu: Kanton) neprekidno od 06.02.1999. godine, dio troškova za nastale obaveze za novu gradnju snosi Ministarstvo za boračka pitanja (u daljnjem tekstu: Ministarstvo), a prema odobrenim budžetskim sredstvima i hronologiji podnijetih zahtjeva.
- U članu 27. Zakona propisuje se da su lica iz člana 1. i 2. Zakona oslobođena obaveze plaćanja naknade za pogodnost građevinskog zemljišta – rente i naknade za uređenje građevinskog zemljišta za izgradnju poslovnog prostora netto građevinske površine do 100 m². Ovo pravo ostvaruju navedena lica koja prebivalište, odnosno boravište imaju na području Kantona neprekidno od 06.02.1999. godine. Troškove izgradnje poslovnog prostora, a koji se odnose na naknadu za pogodnost građevinskog zemljišta - rentu i naknadu za uređenje građevinskog zemljišta snosi Ministarstvo, pod uslovom da je u pitanju izgradnja po prvi put i da nemaju drugih poslovnih prostora na području Kantona.
- Troškove nove gradnje objekata individualnog stanovanja površine do 200 m², a koji se odnose na troškove građevinskog zemljišta-renta snosi Ministarstvo. Dio troškova uređenja građevinskog zemljišta odnosno 20% utvrđene visine građevinske vrijednosti m² netto stambene površine do 20 m² po svakom članu porodičnog domaćinstva, a najviše do 100 m² i u novoj gradnji objekta individualnog stanovanja snosi Ministarstvo. Ukoliko općine svojim odlukama o građevinskom zemljištu predvide mogućnost subvencioniranja odnosno oslobađanja troškova građevinskog zemljišta-renta i troškova uređenja građevinskog zemljišta za lica iz čl. 1. i 2. Zakona, srazmjerno će se smanjiti obaveze Ministarstva za snošenje ovih troškova, a u skladu sa Zakonom.
- Prava u skladu sa Zakonom i ovom Instrukcijom mogu ostvariti lica iz čl. 1. i 2. Zakona, izuzev mirnodopskih vojnih invalida, za izgradnju porodične stambene zgrade (objekta individualnog stanovanja) za vlastite potrebe, netto građevinske površine do 200 m² samo pod uvjetom da po prvi put rješavaju svoje stambeno pitanje. To se odnosi i na dogradnju, nadziđivanje, preuređenje krovišta i potkrovlja, pretvaranje zajedničkih prostorija i rekonstrukciju kojom se povećava dotadašnja površina do 100 m² netto građevinske površine, a najviše do ukupno propisane netto građevinske površine (200 m²).
- Pod pojmom da lice prvi put rješava svoje stambeno pitanje podrazumijeva se da niko od njegovih članova porodičnog domaćinstva (bračni drug i djeca) nije niti je ikada bio nosilac stanarskog prava na stanu ili vlasnik kuće ili stana izgrađenog na području Kantona.
- Za ostvarivanje propisanih prava iz ove Instrukcije u skladu sa Zakonom, po zahtjevu stranke rješava općinska služba za boračka pitanja u prvostepenom postupku prema mjestu prebivališta odnosno boravišta podnosioca zahtjeva. U drugostepenom postupku po žalbi rješava Ministarstvo.
- Rješenje koje donosi općinska služba po zahtjevu stranke služi kao dokaz o regulisanim troškovima naknade za pogodnost-renta i dokaz o preuzimanju obaveze izmirenja iste od strane Ministarstva. Navedeno rješenje sadrži i pravo na oslobađanje od plaćanja posebne naknade pod uvjetima i način propisan u članu 20. Odluke.
- Osnovna dokumentacija za rješavanje po zahtjevu za priznavanje prava da troškove građevinskog zemljišta-renta i troškove uređenja građevinskog zemljišta snosi Ministarstvo jeste:
 1. rješenja o utvrđenoj visini troškova za građevinsko zemljište-rentu i troškova uređenja građevinskog zemljišta izdato od nadležne općinske službe za urbanizam,
 2. uvjerenje o pripadnosti Oružanim snagama Armije BiH (izdato od Ministarstva odbrane BiH), rješenje o priznatom pravu na ličnu ili porodičnu invalidninu,



3. fotokopija lične karte ili CIP-sova prijava,
 4. uvjerenje o kretanju,
 5. kućna lista,
 6. uvjerenje da nije nosilac stanarskog prava izdato od nadležne ustanove i za sve punoljetne članove domaćinstva,
 7. uvjerenje o neposjedovanju nekretnine i za sve punoljetne članove domaćinstva,
 8. ovjerenu izjavu da nije vlasnik stana ili kuće, niti da je podnio zahtjev za upis prava vlasništva na bilo kojem stanu na Kantonu Sarajevo,
 9. potvrdu nadležnog organa da on i njegovi članovi domaćinstva nisu podnijeli zahtjev za legalizaciju,
 10. uvjerenje od Zemljišno knjižnog ureda i Knjige položenih ugovora da podnosilac zahtjeva i svi punoljetni članovi domaćinstva nemaju stan i nekretnine,
 11. uvjerenje općinskog organa o neposjedovanju nekretnine (katastar) za podnosioca zahtjeva i svi punoljetni članovi domaćinstva nemaju stan i nekretnine,
 12. uvjerenje vojno-stambenog organa da podnosilac zahtjeva sa članovima domaćinstva nisu na listi za rješavanje stambenog pitanja i
 13. druga dokumentacija po potrebi.
- Dinamika isplate ovih naknada utvrdiće se posebnim ugovorom koji će se sklopiti između Ministarstva i općina Kantona.
 - Ovom Instrukcijom uređuje se način provođenja člana 12. stavovi 2. i 3. i člana 20. Odluke o legalizaciji građevina izgrađenih bez odobrenja za građenje i građevina privremenog karaktera ("Službene novine Kantona Sarajevo", broj 6/06) (u daljnjem tekstu: Odluka).
 - Za ostvarivanje propisanih prava iz Odluke po zahtjevu stranke rješava općinska služba za boračka pitanja u prvostepenom postupku prema mjestu prebivališta odnosno boravišta podnosioca zahtjeva. U drugostepenom postupku po žalbi rješava Ministarstvo.
 - Pri rješavanju zahtjeva za legalizaciju poslovnog prostora, rješenje donosi općinska služba iz tačke 1, a uplatu sredstava po ovom osnovu Ministarstvo vrši općini na čijoj teritoriji se poslovni prostor nalazi. Ukoliko je u pitanju stambeno poslovni prostor ukupna površina za koju troškove naknade pogodnosti građevinskog zemljišta – rente snosi Ministarstvo je do 200 m². Ukoliko je u pitanju poslovni prostor kao zasebna građevinska cjelina površina za koju troškove naknade pogodnosti građevinskog zemljišta – rente legalizacije snosi Ministarstvo je do 200 m².
 - Rješenje koje donosi općinska služba po zahtjevu stranke služi kao dokaz o regulisanim troškovima naknade za pogodnost-renta i dokaz o preuzimanju obaveze izmirenja iste od strane Ministarstva. Navedeno rješenje sadrži i pravo na oslobađanje od plaćanja posebne naknade pod uvjetima i način propisan u članu 20. Odluke.
 - Osnovna dokumentacija za rješavanje po zahtjevu, jeste:
 1. rješenja o utvrđenoj visini troškova za građevinsko zemljište-rentu i troškova uređenja građevinskog zemljišta izdato od nadležne općinske službe za urbanizam,
 2. uvjerenje o pripadnosti Oružanim snagama Armije BiH (izdato od Ministarstva odbrane BiH), rješenje o prizatom pravu na ličnu ili porodičnu invalidninu,
 3. fotokopija lične karte ili CIP-sova prijava,
 4. uvjerenje o kretanju,
 5. kućna lista,
 6. uvjerenje da nije nosilac stanarskog prava izdato od nadležne ustanove i za sve punoljetne članove domaćinstva,
 7. uvjerenje o neposjedovanju nekretnine i za sve punoljetne članove domaćinstva,
 8. ovjerenu izjavu da nije vlasnik stana ili kuće, niti da je podnio zahtjev za upis prava vlasništva na bilo kojem stanu na Kantonu Sarajevo,
 9. potvrdu nadležnog organa da on i njegovi članovi domaćinstva nisu podnijeli zahtjev za legalizaciju,

10. uvjerenje od Zemljišno knjižnog ureda i Knjige položenih ugovora da podnosilac zahtjeva i svi punoljetni članovi domaćinstva nemaju stan i nekretnine,
 11. uvjerenje općinskog organa o neposjedovanju nekretnine (katastar) za podnosioca zahtjeva i svi punoljetni članovi domaćinstva nemaju stan i nekretnine,
 12. uvjerenje vojno-stambenog organa da podnosilac zahtjeva sa članovima domaćinstva nisu na listi za rješavanje stambenog pitanja i
 13. druga dokumentacija po potrebi.
- Osnovna dokumentacija za rješavanje po zahtjevu za priznavanje prava da troškove naknade za pogodnost građevinskog zemljišta – rente i naknade za uređenje građevinskog zemljišta za izgradnju proizvodnog ili poslovnog prostora (u daljnjem tekstu: poslovni prostor) snosi Ministarstvo jeste:
 1. rješenja o utvrđenoj visini troškova nakande za pogodnosti građevinskog zemljišta-rente i naknada za uređenja građevinskog zemljišta za izgradnju poslovnog prostora izdato od nadležne općinske službe za urbanizam,
 2. uvjerenje o pripadnosti Oružanim snagama Armije BiH (izdato od Ministarstva odbrane BiH), rješenje o priznatom pravu na ličnu ili porodičnu invalidninu,
 3. fotokopija lične karte ili CIPS-ova prijava,
 4. uvjerenje o kretanju,
 5. dokaz o pravu vlasništva ili pravu korištenja radi građenja odnosno prava građenja,
 6. izjava da na području Kantona nema drugih poslovnih prostora,
 7. druga dokumentacija po potrebi.
 - Dinamika isplate naknada od strane Ministarstva po donijetim rješenjima, a u skladu sa Odlukom, ne može biti duža od 5 godina od dana utvrđivanja obaveze plaćanja.
 - Lica iz čl. 1. i 2. Zakona koja su prije stupanja na snagu ove Instrukcije izmirila troškove iz tačke I i II nemaju pravo na ostvarivanje refundacije plaćenog iznosa.
 - Spiskovi lica koja su ostvarila prava iz ove Instrukcije dostavljaju se na posebnom obrascu koji propisuje Ministarstvo

Pravo: Uklanjanje arhitektonsko -urbanističkih barijera za ulazak i korištenje stana u invalidskim kolicima

Članom 26. citiranog Zakona regulisano je sljedeće:

- Ratni vojni invalid I.grupe koji nije sposoban za kretanje bez invalidskih kolica,ima pravo na uklanjanje arhitektonskog –urbanističkih barijera za prilaz i ulazak u stambenu zgradu u kojoj stanuje , kao i za korištenje stana. Pravo iz prethodnog stava može se ostvariti jednokratno, i to samo ako se radi o stambenoj jedinici sa riješenim svim imovinsko-pravnim odnosima (imamo jedan riješen slučaj).

Pravo po osnovu preostale radne sposobnosti

Članovima 16., 17., 18., 19., 20. i 21. citiranog Zakona regulisano je sljedeće:

- Nezaposleni ratni vojni invalid, koji je zadobio ranu, povredu, ozljedu ili bolest po osnovu koje mu je priznat status ratnog vojnog invalida, na osnovu preostale radne sposobnosti ima pravo na profesionalnu rehabilitaciju, uključujući i školovanje za obavljanje poslova za koje se traži viša stručna sprema od one koju vojni invalid ima, ako prema općem obrazovanju, godinama života, zdravstvenom stanju i drugim okolnostima ima uvjete za uspješnu rehabilitaciju.
- Profesionalnom rehabilitacijom obezbjeđuje se osposobljavanje za vršenje ranijeg ili drugog odgovarajućeg zanimanja, stručno osposobljavanje za vršenje određenog zanimanja i stručno usavršavanje.
- Pravo na profesionalnu rehabilitaciju, po zahtjevu ratnog vojnog invalida, utvrđuje se na



osnovu nalaza, ocjene i mišljenja komisije stručne ustanove za ocjenjivanje radne sposobnosti, u skladu sa propisima iz oblasti penzijsko-invalidskog osiguranja. Komisija iz prethodnog stava dužna je u roku od 30 dana od dana prijema zahtjeva izvršiti ocjenu radne sposobnosti i o tome u daljem roku od 8 dana pismeno izvijestiti ratnog vojnog invalida i općinsku službu za upravu nadležnu za boračko-invalidsku zaštitu (u daljem tekstu: općinska služba) u čijoj se službenoj evidenciji vodi ratni vojni invalid.

- Općinska služba je dužna uputiti ratnog vojnog invalida na profesionalnu rehabilitaciju najkasnije u roku od 30 dana od dana sticanja prava na profesionalnu rehabilitaciju.
- Kantonalni organi uprave i kantonalne upravne organizacije, Grad Sarajevo, općine sa područja Kantona (u daljem tekstu: općina), kao i sva pravna lica čiji je osnivač Kanton, Grad Sarajevo ili općina, odnosno koja se finansiraju iz budžeta sa učešćem od najmanje 25%, dužni su primiti na profesionalnu rehabilitaciju ratnog vojnog invalida kojeg uputi Ministarstvo za boračka pitanja na prijedlog općinske službe. Subjekti iz prethodnog stava će svojim općim aktima urediti prava, obaveze i odgovornosti za ostvarivanje ovog prava.
- U pogledu dopunskih prava koja se odnose na profesionalnu rehabilitaciju, na ratne vojne invalide i mirnodopske vojne invalide primjenjuju se odredbe Zakona o profesionalnoj rehabilitaciji, osposobljavanju i zapošljavanju lica sa invaliditetom Federacije Bosne i Hercegovine ("Službene novine Federacije BiH", broj 9/10).

U periodu naznačenom u instrukciji nije bilo zahtjeva nezaposlenih RVI za ostvarivanje prava na profesionalnu rehabilitaciju uključujući i školovanje za obavljanje poslova za koje se traži viša stručna sprema od one koju ima RVI, ako prema općem obrazovanju, godinama života, zdravstvenom stanju i drugim okolnostima ima uvjete za uspješnu rehabilitaciju.

Pravo na mjesečna novčana primanja

Članovima 52., 53., 54. i 55. citiranog Zakona regulisano je sljedeće:

- Pod uvjetom da su prebivalište, odnosno boravište na području Kantona imali i na dan 06.02.1999. godine, dobitnici ratnih priznanja i odlikovanja i članovi porodice poginulih, umrlih i nestalih dobitnika ratnog priznanja i odlikovanja i ratni vojni invalidi kojima je priznato pravo na dodatak za njegu i pomoć od drugog lica imaju pravo na mjesečna novčana primanja. Pravo iz prethodnog stava ima i nosilac "Partizanske spomenice 1941.", pod uvjetom da je u periodu agresije 1992-1995. god, imao neprekidno boravište-prebivalište na području Kantona. Osnovica za utvrđivanje iznosa mjesečnog novčanog primanja iz stava 1. ovog člana je prosječna neto plaća ostvarena u Kantonu u prethodnoj kalendarskoj godini. Visinu procenta osnovice mjesečnih novčanih primanja iz stava 1. ovog člana, utvrđuje svake budžetske godine Vlada Kantona na prijedlog ministra Ministarstva za boračka pitanja, a u skladu sa raspoloživim budžetskim sredstvima.
- Dobitnici ratnih priznanja i odlikovanja koji su ujedno i ratni vojni invalidi kojima je priznato pravo na dodatak za njegu i pomoć od drugog lica, pravo na mjesečna novčana primanja ostvaruju samo po jednom osnovu.
- Pravo na mjesečna novčana primanja ostvaruju i članovi porodice poginulog, umrlog i nestalog dobitnika ratnog priznanja i odlikovanja u skladu sa stavom 2. i 3. člana 2. Zakona o posebnim pravima dobitnika ratnih priznanja i odlikovanja i članova njihovih porodica ("Službene novine Federacije BiH", broj 70/05, 61/06 i 9/10).
- Pravo na mjesečna novčana primanja imaju djeca šehida-poginulog borca-branitelja bez oba roditelja za vrijeme nezaposlenosti do zasnivanja radnog odnosa. Ovo pravo ostvaruje se najduže do dvije godine nakon završetka redovnog školovanja, u skladu sa članom 37. tačka 3. federalnog zakona i pod uvjetima iz člana 52. ovog Zakona.



BROJ PODNEŠENIH ZAHTJEVA ZA DOBITNIKA RATNIH PRIZNANJA I RVI- a SA PRAVOM NA DODATAK ZA NJEGU I POMOĆ DRUGOG LICA	BROJ ODOBRENIH ZAHTJEVA	FINANSIJSKA VRIJEDNOST U KM	
		MJESEČNO	ZA INFORMATIVNI PERIOD 01.01.2017 – 31.12.2017.
138	138	100,00	167.000,00

Tabela za paraplegičare 200,00 KM mjesečno iz općinskog budžeta

BROJ KORISNIKA	MJESEČNA NAKNADA	FINANSIJSKA VRIJEDNOST U KM ZA INFORMATIVNI PERIOD 01.01.2017 – 31.12.2017.
42	200,00 KM	100.800,00

Pravo na dječiji dodatak za porodice RVI 20% - 80%

Pregled podnešenih zahtjeva za dječiji dodatak u periodu
od 01.01.2017. godine do 31.12.2017. godine

BROJ PODNEŠENIH ZAHTJEVA	BROJ DJECE RVI KORISNIKA DJEČIJEG DODATKA	FINANSIJSKA VRIJEDNOST U KM	
		MJESEČNO	ZA IZVJEŠTAJNI PERIOD 01.01.2017 – 31.12.2017.
254	414	20.825,00	268.530,50 KM

Zakonom o izmjenama i dopunama Zakona o dopunskim pravima boraca-branitelja Bosne i Hercegovine regulisano je sljedeće:

Član 1.

U Zakonu o dopunskim pravima boraca-branitelja Bosne i Hercegovine („Službene novine Kantona Sarajevo“, 45/12-Prečišćeni tekst), iza člana 55. dodaje se novi član 55a. koji glasi:

„55a.

1. „Pravo na mjesečna novčana primanja imaju djeca ratnih vojnih invalida sa utvrđenim invaliditetom od 20 do 80% (u daljnjem tekstu: dječiji dodatak), bez obzira na imovinski cenzus iukoliko ovo pravo ne ostvaruje po propisima o zaštiti porodice sa djecom.
2. Dječiji dodatak isplaćuje se djeci do završetka redovnog školovanja, a najkasnije do navršenih 27.godina života. Dječiji dodatak isplaćuje se i za vrijeme dok je dijete usljed bolesti ili liječenja spriječeno da izvršava svoje obaveze u školi, odnosno fakultetu, a najkasnije do navršenih 27 godina života.
3. Osnovica za utvrđivanje visine dječijeg dodatka je prosječna neto plaća ostvarena u Kantonu u prethodnoj godini.
4. Visinu iznosa dječijeg dodatka utvrđuje Ministarstvo svake budžetske godine u skladu sa raspoloživim budžetskim sredstavima, s tim da taj iznos ne može biti manji od 4,8% od osnovice iz stava (3) ovog člana.“

Pravo na podizanje nišana – nadgrobnog spomenika

Član 50.

Svim pripadnicima Oružanih snaga RBiH koji su poginuli ili umrli u toku agresije na



Republiku Bosnu i Hercegovinu u periodu od 18.09.1991. do 22.04.1996. godine i ukopani na području Kantona, Kanton će podići nišane - nadgrobne spomenike, u skladu sa idejnim rješenjem jedinstvenog nadgrobnog spomenika - nišana za šehide - poginule borce - branitelje, te obezbijediti trajnu zaštitu i održavanje putem Fonda Kantona Sarajevo za izgradnju i očuvanje memorijalnih centara i spomen obilježja žrtava genocida (u daljem tekstu: Fond Memorijala).

Izuzetno, mogu se podići nišani-nadgrobni spomenici i za pripadnike Oružanih snaga R BiH iz prethodnog stava koji su ukopani izvan područja Kantona, a prema raspoloživim novčanim sredstvima.

Članovi porodice poginulih branitelja iz stava 1. ovog člana, koji svojim sredstvima izvrše podizanje nišana-nadgrobni spomenika imaju pravo na naknadu troškova u visini i po dinamici koju utvrdi Fond Memorijala, u skladu sa finansijskim sredstvima.

Član 51.

Organizatorima otpora, veteranima-prvoborcima, dobrovoljcima, kao i dobitnicima ratnih priznanja i odlikovanja Kanton putem Fonda Memorijala, podiže nišane-nadgrobne spomenike nakon njihove smrti, u skladu sa usvojenim tipiziranim idejnim rješenjem od strane Fonda Memorijala.

Dobitnicima ratnih priznanja i odlikovanja obezbjeđuje se ukopno mjesto u "Aleji veterana" na groblju Vlakovo ili na nekoj drugoj lokaciji predviđenoj za ove namjene. Ovo pravo mogu ostvariti i lica iz čl. 1. i 2. ovog Zakona pod uvjetima i na način propisan posebnim pravilnikom koji donosi Ministar za boračka pitanja.

Roditeljima šehida i poginulih, umrlih i nestalih branioca, kojima je poginulo jedino dijete ili imaju jedno ili više djece koja su nesposobna za privređivanje, Ministarstvo putem Fonda memorijala, snosi troškove izrade i postavljanja nišana-nadgrobnog spomenika do visine sredstava utvrđene za lica iz stava 1. ovog člana.

Napominjemo da su u ovoj Informaciji navedene aktivnosti Službe za boračka pitanja općine Ilidža koje su joj Zakonom o dopunskim pravima prenesene u nadležnost.

Obrazloženje

1. Pravni osnov

Pravni osnov za donošenje Zakona o izmjenama i dopunama Zakona o dopunskim pravima boraca – branitelja Bosne i Hercegovine sadržan je u odredbama člana 18. stav 1. tačka b) u vezi člana 12., 13. i 14. Ustava Kantona Sarajevo ("Službene novine Kantona Sarajevo", br. 1/96, 2/96 - Ispravka, 3/96 – Ispravka, 16/97, 14/00, 4/01 i 28/04), te odredbama čl. 7. i 30. Zakona o pravima branilaca i članova njihovih porodica ("Službene novine Federacije Bosne i Hercegovine", br. 33/04, 56/05-Ispravka, 70/07 i 9/10).

2. Razlozi za donošenje

U Zakonu o dopunskim pravima boraca – branitelja Bosne i Hercegovine ("Službene novine Kantona Sarajevo", broj 45/12 – Prečišćeni tekst) dodaje se nova vrsta prava na mjesečna novčana primanja koja imaju djeca ratnih vojnih invalida sa utvrđenim invaliditetom od 20 do 80%. Razlog za uvođenje ovog novog prava jeste što je Zakon o socijalnog zaštiti, zaštiti civilnih žrtava rata i zaštiti porodica sa djecom ("Službene novine Kantona Sarajevo" br. 16/02, 8/03, 2/06, 21/06, 17/10, 26/12, 15/13 i 18/14) u okviru svojih izmjena i dopuna iz prava na dječiji dodatak izostavio sve osobe sa invaliditetom uključujući i ratne vojne invalide od 20 do 80% koji su prema ranije važećem propisu ostvarivali prava na ovaj dodatak bez obzira na imovinski census. Ovaj dodatak je bio uvećan za 50% u odnosu na dječiji dodatak koji ostvaruju porodice i djeca gdje je predviđen census (iznos 33 KM). Razmatrajući ovo evidentno ukidanje prava iz oblasti dječije zaštite Ministarstvo je iniciralo izmjene i dopune važećeg Zakona o dopunskim pravima boraca – branitelja Bosne i Hercegovine kako bi ove kategorije ponovo uveli u ostvarivanje prava na dječiji dodatak, ali na način da se ovo pravo ostvaruje u oblasti boračko invalidske zaštite. Obzirom da je u izmjenama i dopunama Zakona o socijalnoj zaštiti, zaštiti civilnih žrtava rata i zaštiti porodice sa djecom ostavljen rok općinskim službama da u trajanju od 60 dana od dana stupanja na snagu ovog Zakona provedu postupak usklađivanja donešenih rješenja po pravu na dječiji dodatak, što znači da će većina naših korisnika ostati bez



mogućnosti daljeg ostvarivanja prava na dječiji dodatak, predlažemo da se ovaj Prijedlog izmena i dopuna Zakona o dopunskim pravima boraca – branitelja Bosne i Hercegovine usvoji po skraćenom postupku.

3. Usklađenost sa legislativom Evropske unije

Ministarstvo pravde i uprave Kantona Sarajevo izjasnilo se da tekst Prijedloga ovog Zakona nije u suprotnosti sa Evropskom konvencijom o zaštiti ljudskih prava i osnovnih sloboda i drugim pravnim aktima kojima je utvrđena zaštita ljudskih prava i sloboda.

4. Objašnjenje pravnih rješenja sadržanih u Zakonu

U članu 1. propisuje se pravo na mjesečna novčana primanja djeci ratnih vojnih invalida sa utvrđenim invaliditetom od 20 – 80% u vidu dječijeg dodatka koji bi se ostvarivao bez obzira na imovinski census. Ovaj dodatak isplaćuje se djeci do završetka redovnog školovanja a najkasnije do navršene 27. godine života. Kao osnovica za utvrđivanje visine dječijeg dodatka propisana je prosječna neto plaća ostvarena u Kantonu Sarajevo u prethodnoj godini, a istu utvrđuje Ministarstvo svake budžetske godine spram raspoloživih budžetskih sredstava. Utvrđeno je da dječiji dodatak ne može biti manji od 4,8% od osnovice (49,39 KM). Ovo se odnosi samo na one korisnike koji ovo pravo ne ostvaruju putem Ministarstva za rad, socijalnu politiku, raseljena lica i izbjeglice.

U članu 2. propisuje se da u priznanju ovog prava rješenje donosi općinski načelnik. u drugostepenog postupku o ovom pravu rješava Ministarstvo.

U članu 3. koji se odnosi na prelazne i završne odredbe utvrđuje se da će općinske službe za BIZ od stupanja na snagu ovog Zakona donositi rješenja o priznavanju prava na dječij dodatak, a da će pravo teći od dana podnošenja zahtjeva.

Članom 4. određuje se datum stupanja na snagu ovog Zakona.

5. Finansijska sredstva

Za provođenje ovog Zakona neophodno je obezbjediti finansijska sredstva iz Budžeta Kantona Sarajevo. Prema informacijama koje su nam prosljeđene od Ministarstva za rad, socijalnu politiku, raseljena lica i izbjeglice Kantona Sarajevo ukupan broj djece invalida koji ostvaruje pravo na dječiji dodatak je 11.000. Obzirom da nismo bili u mogućnosti dobiti egzaktn broj djece ratnih vojnih invalida 20 – 80% koja su ostvarivala pravo na dječiji dodatak iz naprijed navedenog ukupnog broja, podatke o tome smo zatražili od Udruženja "Savez ratnih vojnih invalida" Kantona Sarajevo. Naknadno smo od Ministarstva za rad i socijalnu politiku dobili podatak da je riječ o cca 3.300 korisnika dječijeg dodatka. Potrebna sredstva na godišnjem nivou za ostvarivanje prava na dječiji dodatak po ovom Zakonu bi bila: cca 3.300 x 49,39 x 12 što iznosi ukupno cca 1.952.280,00 KM. Navedeni cjelokupni godišnji iznos za ostvarivanje ovog prava do kraja 2014. godine neće biti neophodan obzirom da se početak ostvarivanja i isplata ovog prava, uzimajući u obzir period stupanja na snagu Zakona, te rok od najmanje 60 dana u kojem su općinske službe za BIZ dužne donijeti rješenja o ostvarivanju istog po po podnošenju zahtjeva, sredstva će biti neophodna za šest mjeseci. U razgovorima sa Ministarstvom za rad, socijalnu politiku, raseljena lica i izbjeglice oni su voljni staviti na raspolaganje potrebna sredstva za ove namjene našem Ministarstvu prenošenjem istih procedurom preraspodjele ili rebalansa Budžeta KS za 2014. godinu.

Uz zahtjev podnosioci prilažu javne isprave i to:

1. Izvod iz matične knjige rođenih za dijete / djecu
2. Uvjerenje o redovnom školovanju za djecu stariju od 15 godina
3. Kopije lične karte i prijave mjesta prebivališta za oba roditelja
4. Rješenje o invalidnosti za roditelje invalide od 20% do 80% vojnog invaliditeta (organ pribavlja po službenoj dužnosti)
5. Ovjerenu kućnu listu
6. Uvjerenje MUP-a o vlasništvu – posjedovanju motornog vozila za sve članove porodičnog domaćinstva, odnosno uvjerenje da motorno vozilo službi kao ortopedsko ili drugo pomagalo (organ pribavlja po službenoj dužnosti)



7. Uvjerenje Porezne uprave za sve članove domaćinstva o vlasništvu preduzeća, samostalne radnje ili obavljanja dopunske djelatnosti (organ pribavlja po službenoj dužnosti)
8. Rješenje o prestanku prava na dječiji dodatak ili uvjerenje da ne ostvaruje pravo na dječiji dodatak po propisima o zaštiti porodice sa djecom (organ pribavlja po službenoj dužnosti)
9. Kopija tekućeg računa
Dokumentacija ne smije biti starija od 6 mjeseci.

OSTVARIVANJE I PRESTANAK PRAVA

Članovima 69., 70., 71., 72. i 73. citiranog Zakona regulisano je sljedeće:

- Prava utvrđena ovim Zakonom mogu se koristiti dok postoje propisani uvjeti za korištenje tih prava i ne mogu se nasljeđivati, niti prenositi na druga lica. U slučaju smrti borca - branitelja BiH i ratnog vojnog invalida, prava po ovom Zakonu nastavljaju koristiti članovi njegove uže porodice (bračni drug, djeca do navršenih 18 godina života, odnosno 25 godina života ako se nalaze na redovnom školovanju).
- Prestanak svojstva borca-branitelja BiH, ratnog vojnog invalida ili člana šehidske porodice-porodice poginulog borca i porodice umrlog ratnog vojnog invalida (korisnika prava na ličnu, odnosno porodičnu invalidninu) u skladu sa važećim Federalnim propisima, povlači i prestanak prava utvrđenih ovim Zakonom, ukoliko su ta prava ostvarena na osnovu tog svojstva. U slučaju odjave prebivališta ili boravišta sa područja Kantona, odnosno prijave prebivališta ili boravišta na drugom području unutar Bosne i Hercegovine, lica iz člana 1. ovog Zakona nastavljaju koristiti prava po ovom Zakonu, sve dok ta prava ne mogu ostvariti po propisima koji važe na području njihovog novog prebivališta.
- Korisnik prava po ovom Zakonu dužan je prijaviti svaku promjenu koja povlači izmjenu ili prestanak prava utvrđenih ovim Zakonom u roku od 15 dana od nastanka promjene.
- Sredstva za finansiranje prava utvrđenih ovim Zakonom obezbjeđuju se iz budžeta Kantona i općina.
- Nadzor nad sprovođenjem ovog Zakona vrši Ministarstvo.

Naša služba vodi evidenciju o broju korisnika prava, prati promjene koje su od uticaja na korištenje ili prestanak prava i blagovremeno obavještavamo Općinsko vijeće. Na implementaciji Zakona koji je predmet ove informacije Služba za boračka pitanja općine Iliđa uložila je maksimalne napore i poduzela sve mjere i aktivnosti kako bi se ispoštovali Zakonom propisani rokovi te izbjegla odgovornost za neizvršenje obaveza. U postupku implementacije Zakona ostvarili smo značajnu saradnju sa Kantonalnim ministarstvom za boračka pitanja, čije nam Instrukcije i upute o postupanju u postupku rješavanja prava propisanih kantonalnim propisima su od velike važnosti. U pomenutom periodu vezano za provođenje Zakona naša Služba imala je znatnu podršku Općinskog načelnika i Općinskog vijeća poboljšanjem tehničke opremljenosti Službe čime su poboljšani uslovi rada. Ostvarujemo korektnu, profesionalnu i stručnu saradnju sa Kantonalnim i Federalnim ministarstvima za boračka pitanja i nastojaćemo održati postignuti nivo saradnje, kao i drugim organima bitnim za rad naše Službe (misli se na Odjel odbrane Općine Iliđa, ljekarske komisije, razna udruženja, škole, fakultete kao i druge organe i institucije).

Zaključak: Informacija o provođenju Zakona o dopunskim pravima boraca-branitelja za period 01.01.2017. godine do 31.12.2017. godine prima se k znanju.

OPĆINSKI NAČELNIK:

Prof.dr. Senaid Memić s.r.

